



Broj: JN-02-16-4-5-13/20
Datum: 20. 05. 2020. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, br. 32/02 i 102/09) i člana 47. stav (4), člana 48. stav (2), (3), (6), člana 49., člana 64. stav (1) tačka b), člana 66. stav (1), člana 68. stav (1) i (4) tačka i) i j), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj: 39/14), na Preporuku Komisije za nabavke, broj: JN-02-16-4-5-11/20 od 15.05.2020. godine, u postupku javne nabavke avionskih karata-pružanje usluga posredovanja u prodaji avionskih karata, donosi sljedeću:

ODLUKU
o izboru najpovoljnijeg ponuđača
za nabavku avionskih karata-pružanje usluga posredovanja u prodaji avionskih karata

Član 1.

Prihvata se Preporuka Komisije za nabavke, broj: JN-02-16-4-5-11/20 od 15.05.2020. godine i Okvirni sporazum o pružanju usluga posredovanja u prodaji avionskih karata, dodjeljuje se ponuđaču GOBOOK d.o.o. Visoko, ponuda broj: 70/20 od 10.03.2020. godine, za ponuđenu jediničnu cijenu nakon e-aukcije u iznosu od 0,25 KM bez PDV-a, odnosno 0,30 KM sa PDV-om, kao najpovoljnijem ponuđaču.

Okvirni sporazum se zaključuje na maksimalnu procijenjenu vrijednost nabavke u iznosu od 47.863,24 KM bez PDV-a, odnosno 56.000,00 KM sa PDV-om, u skladu sa članom 4. stav (5) Upustva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15).

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a), b), c) i d) i člana 47. stav (1) tačke c) Zakona o javnim nabavkama u roku od 5 (pet) dana nakon što bude obavješten od strane ugovornog organa o rezultatima postupka nabavke. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, Okvirni sporazum će biti dodijeljen drugorangiranom ponuđaču.

Član 3.

Okvirni sporazum o pružanju usluga posredovanja u prodaji avionskih karata zaključit će se sa izabranim ponuđačem na period od jedne godine. Ukupna vrijednost okvirnog sporazuma iznosi 47.863,24 KM bez PDV-a, odnosno 56.000,00 KM sa PDV-om.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opće, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke avionskih karata-pružanje usluga posredovanja u prodaji avionskih karata, broj: JN-02-16-4-5-1/20 od 03.03.2020. godine. Javna nabavka je provedena putem Konkurentskog postupka za javnu nabavku avionskih karata-pružanje usluga posredovanja u prodaji avionskih karata.

Procijenjena vrijedost javne nabavke bez PDV-a je 47.863,24 KM, odnosno 56.000,00 KM sa PDV-om. Obavještenje o nabavci broj: 679-7-2-1-3-4/20, objavljeno dana 04.03.2020. godine na Portalu javnih nabavki. Komisija za nabavke imenovana je Odlukom, broj: 02-16-4-344-1/20 od 07.02.2020. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-02-16-4-5-10/20 od 15.05.2020. godine, Preporuku o izboru najpovoljnijeg ponuđača, broj: JN-02-16-4-5-11/20 od 15.05.2020. godine i Izvještaj o radu, broj: JN-02-16-4-5-12/20 od 15.05.2020. godine u postupku javne nabavke avionskih karata-pružanje usluga posredovanja u prodaji avionskih karata.

U postupku po Izvještaju o radu utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljeno sedam (7) ponuda;
- da je blagovremeno zaprimljeno dvije (7) ponuda;
- da nije bilo neblagovremeno zaprimljenih ponuda,
- da su ponude ponuđača Gobook d.o.o. Visoko, Fortuna Tours d.o.o. Mostar, V.I.P. Travels d.o.o. Sarajevo i Centrotrans-Eurolines d.d. Sarajevo kvalifikovane i prihvatljive i da su dostavljeni svi traženi dokazi propisani tenderskom dokumentacijom, na propisan način.

Komisija za nabavke je u postupku pregleda i ocjene ponuda utvrdila sljedeće:

Ponuđač Ventura Travel Agency d.o.o. Travnik ponudu nije dostavio na način propisan u Tenderskoj dokumentaciji iz sljedećih razloga:

1. Tenderskom dokumentacijom u dijelu 3. Uslovi za kvalifikaciju ponuđača u postupku javne nabavke i uputstvo kako se dokazuje ispunjenost tih uslova, tačkom 3.1. pod a) propisano je da ponuđač treba ispunjavati uslov da nema smetnji za njegovo učešće u smislu odredbe člana 45. Zakona o javnim nabavkama.

U svrhu dokazivanja lične sposobnosti iz člana 3. stav (3.2) u dijelu „Napomena“ je propisano da ponuđač u svrhu dokazivanja uslova iz tačke 3.2. od a) do d) ove TD, dužan je dostaviti popunjenu i ovjerenu izjavu iz Aneksa III ove TD.

Uvidom u Izjavu ponuđača o ispunjenosti uslova iz člana 45. stav (1) tačaka a) do d) ZJN ovjerenu od strane nadležnog organa- Aneks III Komisija za nabavke je utvrdila da potpis na izjavi ne odgovara potpisu osobe odgovorne za zastupanje, koja je potpisivala druge relevantne dokumente dostavljene u okviru ponude. Također je utvrđeno da ponuđač Ventura Travel Agency d.o.o. Travnik nije u okviru ponude dostavio punomoć ili ovjaštenje za zastupanje za drugu osobu.

2. Tenderskom dokumentacijom u dijelu 4. Uputstvo ponuđačima kako da sačine ponudu, tačka 4.1. f) propisano je da ponuda mora obavezno sadržavati izjavu iz člana 52. Zakona o javnim nabavkama- Aneks V.

Nadalje, Tenderskom dokumentacijom u tački 5.10. Izjava ponuđača da nije primio mito niti učestvovao u bilo kakvim radnjama koje za cilj imaju korupciju u predmetnoj nabavci je propisano da je u skladu sa članom 52. stav (2) Zakona o javnim nabavkama svaki ponuđač dužan u ponudi dostaviti posebnu pisanu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj nabavci. Ukoliko ponuđač ne dostavi navedenu izjavu, ponuda će biti odbačena.

Uvidom u dostavljenu ponudu Komisija za nabavke je utvrdila da je ponuđač Ventura Travel Agency d.o.o. Travnik dostavio Pismenu izjavu iz člana 52. ZJN ovjerenu od strane nadležnog organa-Aneks V, ali uvidom u istu je utvrđeno da potpis u izjavi ne odgovara potpisu osobe odgovorne za zastupanje, koja je potpisivala druge relevantne dokumente dostavljene u okviru ponude. Također je utvrđeno da ponuđač Ventura Travel Agency d.o.o. Travnik nije u okviru ponude dostavio punomoć ili ovjaštenje za zastupanje za drugu osobu.

3. Tenderskom dokumentacijom u tački 3.5. pod a) je propisano da u svrhu dokazivanja tehničke i profesionalne sposobnosti ponuđač treba da ima uredno izvršena najmanje dva ugovora o nabavci usluga-rezervacija i obezbjeđivanja avio karata u posljednje dvije godine (računajući period od datuma objavljivanja Obavještenja o nabavci), a minimalno ukupne zbirne vrijednosti ovog predmeta nabavke. Dokazi iz tačke 3.5. se dostavljaju u vidu originala ili ovjerene kopije.

Komisija za nabavke je izvršila uvid u dostavljene potvrde kojim se dokazuje prethodno navedeno, i utvrdila da je potvrda izdata od strane Srednje strukovne škole Silvije Strahimir Kranjčević Livno od 18.02.2020. godine snenirana i printana u boji, te nije ovjerena od strane nadležnog organa, odnosno dostavljena na način propisan u Tenderskoj dokumentaciji.

Nadalje, Tenderskom dokumentacijom u tački 3.5. b) je propisano da u svrhu dokazivanja tehničke i profesionalne sposobnosti ponuđač treba da posjeduje Uvjerenje o akreditaciji IATA.

U svrhu dokaza o ispunjavanju tehničke i profesionalne sposobnosti, ponuđač je dužan dostaviti važeće Uvjerenje o akreditaciji IATA. Dokazi iz tačke 3.5. se dostavljaju u vidu originala ili ovjerene kopije.

Komisija za nabavke je izvršila uvid u dostavljeno Uvjerenje o akreditaciji IATA, s datum stupanja na snagu akreditacije IATA: 06.07.2015. godine (prevedeno od strane Stalnog sudskog tumača za engleski jezik Sabine Popovac) i utvrdila da nigdje nije navedeno da je uvjerenje važeće i u 2020. godini, te isto se ne može prihvatiti kao važeće.

Na osnovu naprijed navedenog, ponuda ponuđača Ventura Travel Agency d.o.o. Travnik se odbacuje zbog neispunjavanja uslova za kvalifikaciju iz člana 48. stav (2), (3), (6), člana 49. i člana 68. stav (1) i (2) Zakona o javnim nabavkama.

Ponuđač MRKULIĆ COMPANY d.o.o Sarajevo ponudu nije dostavio na način propisan u Tenderskoj dokumentaciji iz sljedećih razloga:

Tenderskom dokumentacijom u dijelu 3. Uslovi za kvalifikaciju ponuđača u postupku javne nabavke i uputstvo kako se dokazuje ispunjenost tih uslova, tačkom 3.1. c) propisano je da ponuđač treba da dokaže ekonomsku i finansijsku sposobnost prema članu 47. Zakona o javnim nabavkama.

Isto tako, tačkom 3.4. Ekonomska i finansijska sposobnost-član 47. stav (1) tačka c) Zakona o javnim nabavkama, između ostalog, se navodi da je potrebno dostaviti i Izjavu-Aneks IV.

Uvidom u Izjavu o ispunjenosti uslova iz člana 47. stav (1) tačka c) Zakona o javnim nabavkama –Aneks IV dostavljenu od strane ponuđača, Komisija za nabavke je utvrdila da ista nije ovjerena pečatom ponuđača na za to predviđenom mjestu.

Nadalje, Tenderskom dokumentacijom u tački 6.7. Preferencijalni tretman domaćeg je, između ostalog, propisano da je ponuđač obavezan na datom Obrascu izjave o obaveznoj primjeni preferencijalnog

tretmana domaćeg zaokružiti jednu od ponuđenih opcija i ukoliko potpada pod preferencijalni tretman domaćeg.

Uvidom u Obrazac izjave o obaveznoj primjeni preferencijalnog tretmana domaćeg- Aneks VII Komisija za nabavke je utvrdila da isti nije potpisan od strane osobe ovlaštene za zastupanje, niti je ovjeren pečatom ponuđača na za to predviđenom mjestu.

Na osnovu naprijed navedenog, ponuda ponuđača MRKULIĆ COMPANY d.o.o Sarajevo se odbacuje zbog neispunjavanja uslova za kvalifikaciju iz člana 47. stav (4) i člana 68. stav (4) tačka i) Zakona o javnim nabavkama.

Ponuđač GLOBTOUR EVENT d.o.o. Sarajevo ponudu nije dostavio na način propisan u Tenderskoj dokumentaciji iz sljedećih razloga:

Tenderskom dokumentacijom u tački 3.5. a) je propisano da u svrhu dokazivanja tehničke i profesionalne sposobnosti ponuđač treba da ima uredno izvršena najmanje dva ugovora o nabavci usluga-rezervacija i obezbjeđivanja avio karata u posljednje dvije godine (računajući period od datuma objavljivanja Obavještenja o nabavci), a minimalno ukupne zbirne vrijednosti ovog predmeta nabavke. Dokazi iz tačke 3.5. se dostavljaju u vidu originala ili ovjerene kopije.

Komisija za nabavke je izvršila uvid u dvije dostavljene potvrde kojim se dokazuje prethodno navedeno, i utvrdila da je su iste dostavljene u kopiji i nisu ovjerene od strane nadležnog organa, odnosno dostavljene na način propisan u Tenderskoj dokumentaciji.

Na osnovu naprijed navedenog, ponuda ponuđača GLOBTOUR EVENT d.o.o. Sarajevo se odbacuje zbog neispunjavanja uslova za kvalifikaciju iz člana 48. stav (2) i (3), člana 49. i člana 68. stav (4) tačka i) Zakona o javnim nabavkama.

Nakon izvršenog pregleda i ocjene ponuda, Komisija za nabavke je utvrdila da su ponude ponuđača Gobook d.o.o. Visoko, Fortuna Tours d.o.o. Mostar, V.I.P. Travels d.o.o. Sarajevo i Centrotrans-Eurolines d.d. Sarajevo kvalifikovane i prihvatljive i da su dostavljeni svi traženi dokazi propisani tenderskom dokumentacijom, na propisan način.

Nakon toga, u skladu sa Pravilnikom o uslovima i načinu korištenja e-aukcije, („Službeni glasnik BiH, broj 66/17), zakazana je i provedena e-aukcija dana 08.05.2020. godine u 10,00 sati na Portalu javnih nabavki. Na osnovu Izvještaja o toku i završetku e-aukcije i konačne rang liste ponuđača koji su učestvovali u e-aukciji, utvrđeno je da je ponuda ponuđača Gobook d.o.o. Visoko najpovoljnija po kriteriju „najniža cijena“.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

Naziv i sjedište ponuđača	Kriterij-najniža cijena (jedinična cijena bez PDV-a)
GOBOOK d.o.o. Visoko ul. Alaudin 10, 71300 Visoko	0,25 KM

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a.